

自認開通阿媽 教囡囡逃女仔 靚靚想再生B 老公一句打沉



影后袁詠儀於馬來西亞電影《OMG！阿媽有喜》飾演高齡產婦，她笑言若真的發生也沒所謂，並自爆50歲前想生第2胎，但老公張智霖一句「你唔記得當年申請學校幾難咩」，令她打消念頭。



■袁詠儀飾演黃潔琪的母親。



■張智霖與靚靚的兒子已18歲。

相比香港拍攝節奏快，靚靚直言拍大馬電影感覺很 Chill，導演清楚拍攝流程，演員又有準備，不會浪費時間在劇本上，只集中現場走位，希望拍出更多變化，其餘時間則不停吃。作為唯一香港演員，靚靚坦言初期不適應對白節奏，戲中女兒黃潔琪（Miko）要跟她鬧交，駁嘴都不能慢，要令阿媽有機會鬧她。

Miko 讚靚靚要求高

問 Miko 覺得靚靚為人如何？她說：「拍之前見靚靚姐是勁緊張，驚自己不停食螺絲，但第一日拍就反而唔驚，因為大家有走位，所以 NG 好少。」問到靚靚是否很嚴格？Miko 表示只是要求高，靚靚稱：「大家第一二日先熟，要習慣節奏同氣氛。」問 Miko 又如何打破隔膜？她笑言是靚靚姐主動「破冰」讓拍攝順利。靚靚笑言：「唔好講到我咁惡啦！」

談及若靚靚現時懷孕屬高齡產婦，她笑言：「我唔介意，我鍾意小朋友，但呢個年紀需

要周全計劃，養育責任重大。我個仔 18 歲，我都同佢講之後嘅人生要自己走。若果我依家有小朋友，我都希望陪小朋友到 18 歲。」問到有否跟老公談這個話題？她笑言：「你知張生好『佛系』、隨緣。其實我 50 歲前好想要二胎，但老公一句『你唔記得當年申請學校幾難咩？』呢句令我打消念頭，無奈個天覺得你照顧一條友就夠！」

對於「魔童」的戀愛問題，她表示：「我唔反對佢戀愛，但已問我女仔點解忽冷忽熱，我乘機教佢要理解女仔嘅情緒變化，要慢慢講同佢。」提到「魔童」已成年，她有機會很快抱孫，靚靚幽默說：「我老公都咁講，我就叫阿仔睇多啲世界，唔好太早畀承諾。做咗父母有好多嘢負責，唔係講囉！過多幾年先，但當然唔希望成 30 歲先至生，因為我驚我唔夠力湊孫，不過佢畀我湊湊，唔畀就玩囉！」

■黃潔琪(右)讚靚靚平易近人，很快與劇組打成一片。

馮寶寶重新留意黃德斌

由葉童和黃德斌主演、改編自上海話劇藝術中心原創舞台劇《不可說》的廣東話版黑色喜劇《唔講得》，亞洲巡演第一站日前於馬來西亞吉隆坡圓滿完成。殿堂級藝人馮寶寶特意到當地，跟相識多年的好友監製陳善之、導演胡恩威和一眾演員見面。她說：「好好睇，演員一流！我覺得選角葉童好適合，呢方面陳善之應記一功。我諗唔到曾經合作過嘅黃德斌，嗰陣我唔係咁留意到佢，佢今次喺台上面着個件西裝，一定係美指將佢打扮到有型有款。」



■馮寶寶(中)讚黃德斌(右一)很有型。

琳誼蕭煌奇邊食邊唱

台灣歌手琳誼(Ring)日前推出新專輯《名偵探琳誼 My Ring World》，最新主打歌《帶你去逛街》更邀得「金曲歌王」蕭煌奇獻聲！Ring 於新歌化身「美食名偵探」，用輕快活潑的曲調，唱出逛街的自在感。創作時，Ring 與蕭煌奇相約一起寫歌，雖然歌名是《帶你去逛街》，但逛的地方全是美食小吃，她笑言：「沒辦法，我跟煌奇老師都很愛吃，出去逛街當然會吃遍各種美食！」蕭煌奇笑言因聽聞 Ring 是「吃貨」，於是決定寫一首跟吃有關的歌曲。



■琳誼邀得蕭煌奇為新歌獻聲。

「結他新星」Dale 決心闖幕前



■Dale 於靈鋒演唱會上「彈」成名。

早前於謝靈鋒啟德演唱會爆紅的 17 歲「結他新星」Dale，近日首度為連鎖快餐店拍廣告，當年 17 歲的靈鋒亦是首次為該快餐店拍廣告，認真有緣。Dale 說：「其實參加靈鋒演唱會前，自己已下定決心轉向幕前發展，依家多咗網民關注同認可，係一種推動力，鼓勵自己努力實行呢個計劃，所以我會以全新身份繼續嚟娛樂圈發展，唔止係結他手，而係以獨立音樂人身份發展。其實之前已自學編曲，都創作咗一啲作品，只係未有勇氣推出，計劃完成靈鋒演唱會後付諸實行，期望將來表演畀大家睇。」

談及發展大計，Dale 直言：「我最想同唔同嘅音樂人合作，擦出唔同火花，終極目標係同國際性嘅音樂人合作，令香港音樂唔再局限本地，可以面向世界！」